

三十六灣草廬稿

三十六灣草廬稿目錄

寧鄉黃本騏花耘署

卷一 古今體詩一百二十三首

卷二 古今體詩一百三首

卷三 古今體詩六十六首

卷四 古今體詩一百八首 附四首

卷五 古今體詩一百八首 附四首

卷六 古今體詩一百三首 附一首

卷七 古今體詩九十四首 附九首

卷八 古今體詩一百九首

卷九 古今體詩一百二十八首

卷十 古今體詩四十首 附一首

計存古今體詩九百八十二首

序言

言詩家各持己見門分戶別蠡然聚訟大要高語盛唐則薄宋人爲不足道明七子最甚祖宋者以爲不然乃又謂有明三百年無詩嗜矯枉過正弊至是乎世不能不各有邇會人不能不各有性情邇會殊則格律分性情別則嗜好異一父之子形貌各具一師之弟學問各成不能相借何能相非孟子曰固矣哉高叟之爲詩也焉有言詩而可以成固者哉往年嘗與陳子言張蓉裳黃花耘虎癡兄弟會長沙諸君子各以所長鳴龍跳虎臥咄咄逼人就中花耘氣最豪談鋒最利其詩於明七

子爲近而其酌量調劑於聲調高下陰陽清濁或一字至數十易不止每一詩成余輒爲曼吟高唱律呂宣而宮商應信可絃歌以合韶武而非僅斤斤於音節求工而其持議亦未嘗敢尊唐而屈宋而此數君子者亦各以詩相好不相非不至持門戶而聚訟噫此可謂真知詩者矣良會不恆倏然雨散曾幾何時花耘之墓遂已宿草虎癡自春官游西諸侯倦而來歸念太夫人篤老不肯出蓉裳扇門教授枯淡如瞿曇子言還江東年餘乃幸復來余又匏繫山城相望千里感慨係之矣他時再續舊游故交俱在花耘獨已物化不獲攘臂抵掌傾

吐其奇異悲夫雖然三十六灣草廬集在花耘未嘗亡
也花耘雖不敢屈宋而其詩已進於唐矣因序花耘詩
追慨曩時所共論議執筆黯然如山陽日暮而聞笛也
昔道光四年歲次甲申諸城王金策香杜氏撰

評跋

爲才人之詩易爲學人之詩難嚴滄浪論詩謂詩有別
裁非關於學此語最誤後生花耘天才高邁自漢魏六
朝唐宋元明下逮國初諸大家詩無不深心討究故
其所爲能不主一格信少陵所謂轉益多師者夫蜂以
採花故能釀蜜然蜜非花也易牙和調五味人食之皆

飽至問其味之云何有不知和之爲和者積之久蘊之
深釀之醇且厚余庶幾於花耘今日券之嘉慶庚午暮
春長沙周有聲

筆庸峭而氣界兀力能橫障十流大蒙法式善時帆
學射者儀毫而失墻學畫者儀髮而失貌學杜韓者倣
款凸凹規似皙肥大抵然矣若追其神髓而不矜貌似
花耘其庶幾乎自少吸名於鄉往往有驚人語遙奔走
燕越借助於江山取資於今之名宿而才益橫肆蓋天
資上而又重之以修能故學杜韓而似卽埏埴百家亦
卓有其風矩顧門戶雜而所由易歧遊杜韓之廊廡終

嘗聞入其室毋若僕之徘徊觀望於宮牆外而迄用無
成也少陵有言眼中之人吾老矣青眼高歌望吾子第
十三洞天老人鄧枝麟

倒映泉源湧搜春錦段披驚才能若此少日已如斯更

養十年氣

花松嘗云必得十年讀書方敢稱詩

定空千古奇寒牕一展誦

霜月墮枯枝

昌黎悔少作而我有同心嘈雜厭箏笛

希微懷瑟琴月明空外響山迴靜中音一曲水仙操移

情何處尋湘潭秦關

楚天如夢冷清清飛入半灣瀟照在渚迴汀三十六一
曲一波腸繞水約裙拖風催簾卷斷送閑懷抱騷魂何

許愁根種滿香草 聽說江上樓臺湘娥倚處淚雨無

昏曉一點君山青礙眼幾葉征帆歸了斑竹飄煙綠華

乘霧坐掩孤屏悄鷓鴣啼過爲君添譜吟蘂

調寄湘月

陽湖

劉嗣紹芙初

聽雲和夜鼓秋思一絃畫簾吹上湘雨淚竹啼霜香蘭

泣露卅六煙波環戶自挂蒲帆年年草綠鷓鴣吟苦問

數峯江上含情可似舊時眉嫵 迢遞湘天甚處算生

綃滑笏借傳幽緒

花耘有三十
六謗草廬圖

怕幾疊鄉心化入巫雲

千縷青鴛夢杳錦鱗書去六六闌干愁撫寫不盡滿目

關山一笛賸洲漁譜

調寄望湘人

吳下董國華

穹巖幽澗，巖錡阻深之區，非得喻人才士之度，疏鑿刻
則其勝弗傳。宜章在騎田南，由長沙上泝湘，蒸沅來水，
亂便江以達於郴，距千里而遙。古賢舟楫所經，惟唐杜
拾遺、韓吏部篇詠稍夥。然杜有花石鑿石望嶽諸詩，旅
跡僅至耒陽，而郴無聞。昌黎至郴矣，自宿嶽廟，探禹碑，
題合江亭，外柳有義魚女廊，廟諸詩而宜章又無聞。龔
雲濤博士黃花耘孝廉雋出湖湘間，交相善，才相敵也。
雲濤與宛平查守榜有岳麓紀遊一編，花耘與其弟虎
癡有辰陽片帆一草，余嘗合而讀之，謂兩君角立，擊銅
鉢鬪尖叉，聯爲一冊，其旗鼓對壘，必足以開拓心胸而

凌轢一時甲戌秋宜章有葺志役余具書幣聘兩君欣然聯舟來暇日出其前後賡唱於前人所已及者蹊徑獨闢其未及者盤輓力埤發抒踴厲水笑山顰如躍津雙劍合而飛騰磨蕩激射礪礪排冪未知視古人何若余竊喜曩言爲不謬矣胡君白齋素契兩君哀其詩采之題曰郴嶺紀遊草雖然余守土者也不以詩才羨兩君余由便江調莅茲土兩地巖壑奧區皆履齒所熟歷得雨君之筆鏤墨繡軒豁呈露於几席間而不至終閔余爲山水所遭也

郴嶺紀遊草序涪州陳永圖

坡谷嶙峋角兩雄秋江吟眺一孤蓬爭筴合奏黃鸝疊

法部龜茲聽水風 外史汝南標祿閣魯詩君倩著金

樓雙聲疊韻同翻調奪尊誰爭第一流 絕唱蘭陵酬

答篇溪山雕鏤化雲煙田夫總勝君章記點竄才人筆

底傳 嶺度騎田楚粵分擊殘銅鉢繡秋雲波斯購去

珠娘唱又見奇傳海外文 摩天擎海互驂驪彌勒瞿

曇總一龕笑我評詩鍾記室難將甲乙品樊南 金鏡

喜刮眼生光爬癢撚鬚錦牛囊好事何妨學陳起江湖

栞集付書坊

栞嶺紀遊
草題詞

善化胡士珩白齋

余與花耘交而益篤其少作多與余商推每難其才高
學博而尤令人醉心者則在其情之一往而深也比始

見其全集始知數年來閱歷既多涵養益深直兼唐宋
金元諸名家之長非俗子塗摸淺率者所能望見脚板
也張吾楚軍者非花耘誰屬僕願執鞭從之耳嘉慶丁
丑夏仲安化陶澍雲汀

士先器識而後文藝若觸景成詠卽席聯吟又文藝之
末焉耳然古之人工於詩或自抒性靈有合於風人之
旨足以感人或臚詠時事有補於稗野之文可與論古
於是乎其詩傳其人亦傳技也進於道誰謂文藝不關
器識哉從子本騏吾家千里駒也丁丑夏 大挑得校
官謁余來甘陵署自喜不日得升斗祿養母且讀書之

緣方長可以上承先人志余甚難之偶檢行笥出所作
古近體詩裒然成帙公暇披覽因憶其父石櫓君於羣
從昆弟中與余友愛尤篤倡和聯牀風雨間篇什最夥
不幸以諸生蚤逝今本騏年方強仕華墨老成有光燄
能讀乃父書石櫓爲不亡矣夫一瓊雖冷三絕能工日
涵養其學誠涵磨其德器不以近小而遺遠大則歸然
爲名詩人卽粹然爲真學者本騏不且益進歟今觀其
來遊藹藹然情見乎詞余以是重期許者之不徒在揚
風屹雅中也尙其勉旃伯錕山氏書於清河署齋
一幅銀光照眼明歌聽白雪若爲清知君氣浥三霄淨

使我神超萬慮輕筆燦天花隨意落詞霏玉屑向空生
何嘗浣手冰壺裏次第瑤編仔細評

嘉慶庚辰正月大
雪讀詩卷題後

善化唐業謙受堂

讓抗何心更請師等身著述已如斯文能乞巧窮難送
瘦得真清俗可醫我去依然爲祿仕再來應有憶君詩
虞翻屯相尋常事干古文章好共期

壬午白露後一日
題於長沙寓舍時

將有沅州之
役卽以爲別諸城王金策香杜

道光丙申秋仲朔日卒讀於瀉寧學舍選鈔古今體八
十二首入資江耆舊集新化鄧顯鶴湘皋手記

三十六灣草廬稿卷一

三長物齋藏書

寧鄉黃本騏花耘著

雜詩五首

遶遊西林間蕭蕭多悲風
仰首發浩歎浮雲揚西東
達人用乃貴鸞鳳棲非桐
吁嗟鸞與鷖飲啄汝徒工
控地已倦飛引吭何鳴雄
迥然念太始羣動隨鴻濛

大鷗不居林翱翔滄溟間
習習來淩風層陰被西山
舉袂招白日流光出幽寒
九疑相縹緲蒼梧雲往還
帝子在何許竹淚今長斑

天地有妙用悠然盪吾心
羣言一郭郭至人無淺深
魑

魅遁白日梟鵬巢陰林栖栖安所適役役勞其形回首
視雲磴可以鳴瑤琴瑤琴有微理流泉激清音睥睨風
塵外秋雲卷飛禽

丹山有鳴鳥迴翔瓊樹枝上飲瑤池水下餐商山芝含
苞揚歸昌羽翼耀離離阿閣奏薰風豈不願來儀咄哉
彼桃蟲拚然起藩籬

大水漲江漢遙望一何悲蘭皋露已浩凝霜繆棘枝誰
能語羲和爲我迴餘曦風雲自有會富貴自有期丈夫
志四海寧忍寒與饑拔劍成鳴咽攬衣生光輝遐哉鄧
仲華少小駢赤眉

江上晚步

終年養拙守林邱，
擗擋琴尊恣野遊。
餞日初開千疊嶂，
梯雲更上一層樓。
梧桐影外先邀月，
鴻鴈聲中易變秋。
倚劒江濱莫惆悵，
此波源接鳳麟洲。

贈劉大芑汀

諭孫

四首

憶昔嬋娟子，詞壇拔幟豪。
才名標驥尾，得失寄鴻毛。
秋淨楚山遠，月明湘樹高。
如何燈燼夜，痛飲讀離騷。
淥水澄秋月，紅蓮幕裏開。
蜚揚宜有日，倜儻況多才。
書劒家千里，雲山酒一盃。
早知風鼓棹，悔不問江梅。
白眼無知己，青氍困殺人。
卅年雙屐折，四海一身貧。
狂

態忘飢渴悲吟到鬼神終當雷雨夕破壁起沉淪
鵝鹿翔沙浦離羣繞棘枝閉門秋水外回首夕陽時有
母貧憐子無師字問誰往來君獨密十載託相知

再贈芑汀

交契徧鄉國蕭然仍此身十年真長我片語必驚人臘
入梅花曉寒招湘水春便期乘浪去挂席五湖濱

月夜懷唐五竟海

鑑

僵臥不成寐攬衣起徘徊仰看明月上如見故人來天
籟生檐鐵寒霜墮酒杯何當一長嘯把袂定王臺

離家

躑躑離家纔百里依稀風景換平川
煙巒俯仰迎身上雲樹蒼茫落眼前
魂夢有情盟白水文章無淚哭青天
仲宣樓外秋容晚殘柳樓鴉劇可憐

雨渡瓦官口

陰翳漫江晝不開褰裳喚渡客
裊裊寒流一線盤沙出細雨孤帆背
嶽來雲樹微茫分甸郭烟濤洶湧動樓臺
閒情多被梅花約又見東風兩岸催

江樓聽雨

一雨如傾注珠簾捲不開江風吹
日夜寒氣入樓臺作客無時了探春
何處來未須聽浙漚消息膽瓶梅

登長沙城樓

時辰陽有兵警

澤國蕭疎易感人
長沙萬里望嶙峋
城頭日月懸犀兕
嶽頂風雲養鳳麟
何日埃烟殲蠢動
終年湘水弔靈均
誰憐零雨登樓客
醜酒天涯倍愴神

重午

坐近榴花酒入脣
模糊醉眼對佳辰
消磨鋒刃看蒲劍
淨埽虬蜉拜艾人
螺岫依然開楚嶽
鯨波終古靖湘濱
劇憐魚腹累臣恨
競渡聲中薦藻蘋

秋興

歇雨絕林籟
開簾來遠山
孤雲最窈窕
野鶴相往還
勝

事歸江水秋風入楚關長懷羨門子高臥弄潺湲

齋中缸蓮盛開有作

貰醉湘江盞酒船低頭弄葉水如烟露涼北渚愁今日
秋滿南塘憶昔年香草無靈招屈子綠波有恨賦神仙
竭來分植疏簾底身在紅雲太華巔

寄懷張玉山

落日澹遙凸蕭蕭清素襟風塵雙冷眼天地幾知心秋
色流湘水閒雲養麓林遐思烟釣者漁唱愜幽吟

發棹湘上將有武昌之行

荒城飛木葉搖落滿潭州一水沉斜日千峯折漢流蒼

茫彈短缺消息問孤舟無限烟波夢豪吟庾亮樓

聞述衡峯奇幻之狀書以誌之

衡峯七十二高巉削環拱祝融撐太清俯瞰下方皆蜃影
忽疑上界有人聲陰林挂瀑自飛動峭壁懸雲無晦明
望日臺邊堪拄杖何時恣覽脫塵纓

重九

秋風秋雨滿湘城落木蕭蕭百感生樽酒何年來刺史
菊花終日老泉明拚吹破帽逢人笑忍上荒臺聽鴈聲
寄廬窮愁猶似昔天涯誰與訴幽情

觀校兵

毒淫蝟集武夷蠻

詔戮鯨鯢尺一頒匹馬衝雲摘吐谷幾入餐雪守陰山
亞夫營外金刁肅飛將壇邊玉帳閒
鳳闕卽今千羽舞鏡歌指日入秦關

遊山

仙侶招携上翠微野烟無際澹霏霏浮生書劍長爲客
夢裏雲山何處歸天地蒼茫驚葉落江湖莽蕩羨禽飛
忍藏蝟隱三間屋且拂鶉懸百結衣

春雪三首

手龜腳疥閉帷深大雪漫天冷不禁風捲蒼龍迎半臘

時年前半
月交春
雲翔縞鶴壓千林
激昂蘇武朝餐節
料理孫

康夜讀心安得貂裘持桐馬醉謳一棹訪山陰

風凜雲凝冰滿津山明壑淨樹非春
青郊漫說堆鹽日
白屋誰爲挾纈人
紛糅關河迷遠目
廓廖天地側孤身
鬼國佳詠今何在手
拗梅香細討論

斯江志感

煙林漠漠鴈來初
舊宅猶題太史居
到眼雲山終未改
舉頭風月竟何如
空吹藜火傳鸞掖
省覓芸香檢蠹書
江上秋容助蕭瑟
一番臨眺一愴予

寄張韻泉

南軒宗派幾人傳漢上題襟信夙緣一夕風流詩主客

廿年烟火酒神仙

寄余詩有烟火神仙于日酒之句

情酣白苧鶯啼細

臘濺紅梅雀暉先遙憶草堂春入夢潭州十日雨漫天

登山

振衣登古埭極目望紛氲秋色生瀉水征鴻滯嶽雲樓臺天外出草樹日邊分欲訪棲霞客鸞車久不聞

寒夜

楫枻煨爐火失溫嚴風撼樹萬濤奔支牀龜縮衾如鐵一夜蕭蕭雪打門

節婦吟

慘哉夫死妾未死抱乳呱呱夫有子夫有子妾無夫朝
餐藜藿夜課書鄰牆紅壁桃李花擺蕩東風吹妾家照
耀妾心天上月冷浸牕機明素紗素紗自長亦自潔白
壁能碎不能瑕繡佛無言燈一炬寂寂畏人識妾語深
鎖寒閨學處女

聞蛩

墻根聲一片唧唧到黃昏月冷頻欹枕燈深獨閉門驚
回孤客夢惱亂舊詩魂況是西風緊蕭蕭落葉村

國士行

眾人遇國士遇深淺臣心寧敢顧國士報眾人報輕重

臣心寧敢較欲愧天下二心臣范中行氏爾何人國也
諫果也爭生瑤存智豈不榮主頭一飲器仇衣三斫地
炭徒啞漆徒癘讓乎讓乎義不義

雨後次李虛舟韻

霽光開曲水澹沲捲簾看野樹沿新綠春風滅暮寒漁
歌江漲滿雁斷嶺雲殘知續池塘夢催詩墨未乾

春日聞雁懷諸親友

迴雁峯懸萬仞青晚風賓雁影冥冥陣迎雲氣歸沙漠
聲帶春光過洞庭夢裏關山愁楚客酒中親友寄吳船
相逢記踐三秋約莫使寒潮沒舊汀

虛舟邀賞牡丹卽席賦贈

花裊藉地埽莓苔
沉醉東風倒百杯
冷眼何人看富貴
春心昨夜起樓臺
內庭歌歇龜年唱
仙館香慵羯鼓催
料得玉溪傳綵筆
朝雲芳訊夢中來

夜聞秋風示內

庭樹夜蕭蕭
打牕葉亂飄
生憎離別恨
吹渡灞陵橋

畫竹

垂梢亞綠雲
正練生涼雨
挂我清齋中
消除十日暑

友人新構聽秋樓邀登次韻二首

手把離騷倦未休
終年沉醉快春樓

余讀書處

忽驚湘水開

蝸角合遺滄洲畫虎頭檻外嶽雲吹夜雨座間江氣霽
清秋振衣直上龕豪甚誰賦荆門客子愁

鳥外層樓走檻旋踞牀高臥復誰憐避塵地近陶潛柳
題句人皆庾杲蓮雲水影遲千里雁菰蒲夢寄五湖船
秋風到耳真無限落木蕭蕭夜月天

出門

侵曉發星沙煙靄湘江秋水客隔漢南孤帆一葉指男
兒志四方嗟我今日始短劍逐浮萍長風促行李昨日
別高堂灑淚門前倚送兒秋風中盼兒春風裏縫衣重
丁寧切切長在耳今宵應記程首塗早千里艱險兒未

經母心已如此白雲仰飛揚永懷歌陟屺

湘行

轉轉隨湘岸輕帆起白鷗菰蒲涼在水三十六灣秋

漁人詞

清烟如畫澹蘆漪欸乃聲中落照遲淺水半灘秋草嫩
生涯日日養鷓鴣

汨羅江

香蘭泣美人蘿帶啼山鬼誰憐屈子心祇有江中水

黃陵山

慘澹蒼梧雲蕭颯黃陵雨千秋不見人二妃在何許

舟望

磊石山前望湖天一色澄
濤聲吹鄂渚帆影下巴陵
女浣花邊渡漁喧柳外昏
鄉關重回首千里暮雲蒸

鹿角驛守風

冰夷怒擊靈鼉鼓白湧長濤
噴秋雨砰訇百丈捲銀花
山嶽動盪潛靈舞大船小船
人不眠瀟湘之水高如天
我家住在瀟湘尾家人望遠
應黯然千里萬里關山黑
目斷寒烟蒼樹色詎知帆泊
洞庭東江氣模糊雲發墨
白日雷霆椎君山秋風魑魅
嘲逋客蒼茫搔首頻踟躕
而此來遊寧良圖管城頂禿
墨不濡紙田耕破秋無租

南昌尊食亭妻怒瀾陵射虎醉尉呼掉弄扁舟一散髮
流水鳴咽磨錕鋹何事江風太狡猾進退迫我俱窮途
浮世萬險盡如此烟波夢冷一江水欲驂飛龍問帝子
日暮蕭蕭綠雲起

秋江曲

清淚滴江水化爲江水流郎船在何處吹浪打船頭

舟望

夕照開平楚秋風落眼前青裙漁婦市白板草人船鄉
思深於水湖心別有天那堪回望處歸雁影翩翩

聞

雁淚洞庭雲帆指秣陵樹一投憶鄉心寄入雁聲去爲
我語家人記取雁歸路雁歸吾亦歸約與春風遇

湘陰

午過湘陰縣輕舟五兩催環江朱戶閉繞郭綠屏開雙
塢撐雲出千檣破浪來黃陵在何處烟水望徘徊

阻風

一夜打頭風遊人推枕起吹回夢裏心寸寸渡湘水

晚泊蘆林潭

涼氣動秋林夾岸人聲靜何處棹歌來澄潭淨於鏡山
磬出青蒼漁火灼游泳星斗斜闌干空水兩涵映露華

衣上滋蟾影波心瑩曠蕩坐無眠激昂起遙詠明發驗
烏竿風疾孤帆勁

洞庭湖口

企脚篷牕底湖光入望多鴨頭添綠水虎眼轉青波殘
月眠人柳寒濤泣女蘿三閭遺恨在楚些忍重歌

洞庭中流口占

灝渺洞庭間孤舟一日還風聲奔萬馬濤影屹千山回
首瞻鄉樹離心出漢關歸程何處是愁看大刀環

行次鄂州

洞庭南下木蕭疎雲水連天入望虛千里鄉心懸旅雁

一帆秋夢過嘉魚船停柳岸思陶侃人踏蘆碕吊伍胥
眺盡烟蕪更懷古滄浪亭外坐愁予

江行早發

夢回柁鼓耳邊撾渺渺孤帆出蓼花白湧長江落天際
紅衝寒日浮水涯潯陽風動濤聲轉漢口烟沉樹影斜
王粲樓頭秋又暮登臨何處望星沙

漢上

停橈漢上敞篷牕雄鎮巖峩踞此邦巴蜀西連蟠大別
楚吳南折走長江晴紅隱堞城如畫慘綠橫波樹似幢
我醉欲騎雲外鶴仙樓迺隔水淙淙

泊黃州追感坡公舊事十首

臣亦厭餘生人皆傳已死痛哭范景仁尺書走千里
醉草千餘言點定一兩字子瞻人中龍太息寶相記
欹枕解征鞍鵲聲看正曉回首綠楊橋芳烟橫渺渺
如此良夜何再遊赤壁下予衣夢中來祇有飛鳴者
監稅謫黃州寓居定惠院一株海棠花相對日不倦
勝得江山助孤亭名快哉好同張夢得日日賦詩來
龍邱陳季常能詩相友善嘲笑河東獅復作方山傳
何氏好清幽請公題寒碧竹石興淋漓涼陰生素壁
怪石供亦奇紅黃燦秋日至今聚寶山江頭聳峯嶽

公特恣游覽清吟步雪堂付與潘邠老千秋景素芳

赤壁

青蒼壁立倚江寒廢壘猶傳舊將壇火德未能延漢祚
風威長恨走曹瞞三分寶鼎猖狂甚一姓金刀締造難
我似坡仙攜客泛蕭蕭蘆荻月中看

蘄州

楚山楚水入東吳秋淨蘭溪一棹孤
淚墮烟江望千里
木陵關外雨模糊

泊潯陽江

潯陽城郭俯江濱江水東流九派分
浪走盆湖吹夜雨

氣凌廬阜盪秋雲客燈渺渺聽猿嘯鄉夢蕭蕭逐雁羣
況有青衫司馬淚琵琶哀怨不堪聞

九江

日沉千樹冷雲湧萬山齊新水生魚塞秋風入虎溪懷
鄉心渺渺覽古意淒淒無復東林笑誰堪手共攜

九江書事

茜裙翠袖賽秋風小泊花船柳岸東客舫檣燈初挂上
沿江齊唱滿江紅

小孤山

湧江青一粟舟近小孤山入水烟痕碧穿雲石色斑

亭延蔚秀溢浦瀉潺湲我欲凌高頂蒼茫望楚關

月夜江行

斜月湧江流江聲咽晚秋壯懷燈下鬢歸思夢中舟
鼯穿林嘯魚龍跋浪浮帆輕風一翦楚尾到吳頭

湖口縣

湖口全迎郭山腰半入城烟消銀舫過風動石鐘鳴
滿目絕無賴孤吟空復情何當遊九曲嘯傲憶淵明

流宕在他縣

流宕在他縣酣吟江水濱秋風吹古渡落日冷行人身
世謀何補天涯俗轉親片帆烟泛泛狎我笑鷗馴

雨行

虎頭關外氣蕭疎
障眼沉沉楚望虛
白雨橫秋盤野鵲
黑雲壓浪走江豬
魂銷游子真浮梗
淚盡慈親尙倚闌
長歛依人敢畱滯
歸鞭重記早春初

舒州書感

蕭森涼氣動征衣
萬里傷情木葉飛
敢憚星霜求菽水
每逢風雨夢庭闈
潛峯閣下空荒草
天柱山頭惟落暉
縱到江南佳麗地
清秋長與素心違

中秋泊樅陽對月

同是鄉關月而爲羈旅人
團團眞萬里離別祇孤身
泉

咽浮山頂烟寒皖水濱遙憐癡弟妹笑語慰慈親

發樅陽

擊楫別樅陽秋容望淼茫寒烟棲敗柳野燒冷枯桑竟
日過姑孰千山入建康浮雲橫眼底縹緲送征裝

望九華山

鳥外落蒼翠峯巒高入天泉飛千丈雪江浸九枝蓮莽
蕩過行客謳吟弔謫仙支頤一流睇紅葉滿征船

江夜

風儻雨懋夜如年人臥東吳萬里船江水不知家在夢
寒濤春碎枕函邊

述訓六首

騏與弟驥幼孤憫賴 太孺人教育未敢稍離
膝下今于役金陵訓言諄切騏日懼隕墜于緒
圻舟次謹縷述六章

母若曰騏我嬰萬境盡瘁難支爾父客死惟有孤兒爾
也韶齔弟妹何知何以朝夕飲水餐糜何以生理春蘭
秋機茹荼如薺直到斯時嗚呼噫嘻爾諦聽之

母若曰騏我苦如此寧莫我知瞻彼越鳥猶巢南枝潤
人離下零雨流離胡不奮飛長此唏晷送爾遠道載縫
汝衣四牡騤騤清淚漣漣嗚呼噫嘻爾諦聽之

母若曰騏言念遠遊我心傷悲乃祖乃父燕詒式微熊
九篝火跂予涕洟窮五技鵲困一枝途歧日暮秋風
吹衣糾心櫛沐以書以詩嗚呼噫嘻爾諦聽之

母若曰騏枯楊號風驚鳥卑飛敬共朝夕謹小慎微白
日罔兩世俗褊被進爾惟德慎交尤宜和以濟眾大雅
是師知心乃貴酒食奚爲嗚呼噫嘻爾諦聽之

母若曰騏蕭蕭北風浮雲南飛星霜關河兒寒兒餓爾
身遠阻我心與馳爾毋少疎晨食夕衣天涯萬里憐者
伊誰臨水思隕登山思危嗚呼噫嘻爾諦聽之

母若曰騏家思長子母戀游兒妹未許纓弟未結襦匪

伊任之瞻望阿誰驅車東門風雨迷離盼爾來思楊柳
依依勝地久滯我日舉帷嗚呼噫嘻爾諦聽之

姑孰覽古

殘柳絲絲晚別塵魯明江上水粼粼
礧礧五夜愁風雨牛渚千年幻鬼神
估客奇才徒詠史謫仙狂態竟依人
斜看短劍同蕭瑟何處停橈許問津

采石磯弔李翰林

枕江采石望嶙嶒捉月亭留最上層
低首一生惟謝朓歸身萬里有陽冰
從來仙骨時難識畢竟天才命亦憎
灑酒磯頭波黯淡數行清淚濕行旌

臥聽入破鄰船笛縹緲橫吹雉子班

金山覽古

大鉤鐵縷縋千鈞海艦乘風截水濱山腹紅袍馳敵騎
潮頭畫鼓戰夫人兩宮漠北甘羶酪半壁江東闢莽榛
太息將臣心力盡相公經國祇和隣

渡揚子江望焦山

蒲帆風飽挂中流千仞摩雲豁醉眸地盡三江迴楚尾
天低一柱劈潮頭翔林鶴鶴盤朝日踢浪魚龍嘯晚秋
筇杖何時凌絕頂團蕉十笏結瓜牛

登潤州城

天低北固擁螺鬟
旭樹晴雲杳靄間
京口千帆環鐵甕
江心一壩湧金山
蕩搖眼界空塵障
披豁胸襟滌俗慳
七十二流何處是
練湖烟水瀉琤潺

自大錢湖口赴吳興

晨光纖渚客揚舲
睡起推篷倦眼醒
菰水半奩雲外白
弁湖州人呼作平聲山一角
雨中青魚吹楓葉
霞明浪人踏蘆

花雪滿汀七十二
漣吟賞徧湖旁水以漣名凡七十有二
菰城塔影

望亭亭

吳興春泛

橐駝橋下水潺潺
荇雪風清短櫂還
繞岸翠屏人入畫

一林花雨道場山

武林道上

棟風梅雨到杭州買醉湖山酒半甌喚起一聲春去了

停鞭馬上幾回頭

喚起湖上鳥名

早行

卅里絺衣路曲迴一天涼雨過樓臺雁邊帶得秋聲到
馬上馱將客夢來江氣晴吹紅日吐嶽屏濕湧綠雲開
停驂柳岸人呼渡船笛衝烟聽落梅

采蓮曲

風捲秋容蕩秋浦綠雲冷颭芙蓉雨十五盧姬何娉婷

撾碎花枝，鬢花鼓舉頭看。花花笑人，低頭問花花不語。
宛央冉冉，渡花邊飛來飛去。繞儂船觸起秋情，望秋水
有情無情。秋千里，淚滴波中波不起。歡家住在儂夢裏，
蓮子心苦，似儂心寄歡，把作紅豆子。

雨中社飲偶書

楚客歸來近一年，關城風雨意瀟然。涼吹木葉團秋社，
雲起蒼山落舞筵。四五尺添湘浦水，三千里憶笠湖船。
江干買得張融宅，又挂蒲帆指日邊。

秋蘭

折得瑤華浥露新，離騷廿五繪來真。終年閉戶懷芳草，

側處停桃望美人
珮影三秋招帝子
香魂一縷泣靈均
湘離沉菰空如許
步馬江皋問水濱

湘江夜泛

折柳蕭蕭關城笛
孤舟碾破澄江碧
練衣風盪微涼來
湘流一鑑清秋滌
層嵐人水倒浸天
四顧蒼然鴻暝色
飛狖振響巖樹深
鬢鬼拏空峭石立
舟搖遠近隨蒲帆
慷慨嘯歌膽不慄
憶昨飢駢走東吳
破帽疲驢一劍孤
睡酣蕪城花月窟
廣陵清渺天模糊
碎魂飛渡金閨亭
咿呀短櫂笠澤湖
吳興秋色一千里
清冷又泛苕溪水
鯨鼉吞陸浙江潮
海門濯足身萬死
歸來仍抱舊詩筒

浮家飲綠吟空濛廿年萍跡半在水烟波有夢盟鳬翁
此時棲鳥起匝樹濕金盪動虬珠紅靴紋晃漾淨流霞
欲翦未翦吳淞練麓峯拱翠昭山高一髮黃陵露隱見
雲中君今在何許木葉寒波咽今古金旂翠羽光有無
斑竹鵲蘭暗秋雨蒼茫踞坐發清謠孤雁一聲過江去

哭王映棠父子

怪鴟飛鳴遶屋過悲風暗打紙窻破湘流夜半泣秋濤
紙翦雙旂船一箇憶昔輶車來湖湘萍交杵曰爾汝忘
老子猶龍兒跳虎意氣磅礴迴扶桑尊酒相攜致蕭爽
蘭燈促話神飛揚浮雲十載幻蒼狗緋衣下召荆巫陽

駝獸如幕南天黑一年一隕少微光佳兒相從固亦得
不念旅寄誰扶將咄哉玉折蘭委地令我斫劍歌慨慷
黃公壘頭兩痛腹西州門外吞聲哭蕭疎修竹掩客廬
苔痕空似舊時綠青楓關塞大江南魂歸去兮英風寒
故人此別長已矣痛哭呼君君不起淚灑江心化江水
送君歸帆三千里

墨礪次胡玉潭學博

澤滙韻

橐籥開鴻荒天地一大礪風雷環轆轤羲娥鞭旋轉法
象詮考工山澤陸飛輦何來襍穢人妙製悟不淺機械
參鷲池淋漓佐蠟圖龍賓蜿蜒翔鷺乳紛籀篆先生精

筆札禿毫繡墨薺示我墨張詩盞曾烟雲卷籍口句重
奇臆手快千展雕鏤無遺態踵和寧追踐據案細窺覬
上飾絕澤銑磷嶒嶸書城硯汁飽咀吮蛟蟠黑雨奔螭
走烏雲泣轆轤縹緲車轍絡繹燥絲絹鞣砌揆枯棹紙田
注千畎齒齶森連環齒牙豁巖巘潑瀋譬秋濤北灑更
東演萬言倚馬揮銅螽滴隱顯况復先生豪撫臨振忽
洩賦草長卿渴字問揚雄瀟磨墨墨磨人光陰擲一眄
藉此醉濡頭勞腕頓消遣筠管鏤以青苔箋研以蠶花
腮春畫酣靜似銅儀輾笑我指懸惟結字蛇蚓舛皇昌
消幣金三月詫夔鉉坐對千摩挲詰曲聽憚憚萬縷松

花飛噴湧濺書奩，次穀鑿混沌誰數談。天衍縱令桑鐵穿皂袖，知終免墨林繪作圖。請勒石有篇。

鄧蘭坡先生

叔麟

〈新樂府題詞四首〉

白髮青燈感暮秋，朝餞典盡鷓鴣裘。鶯癡燕懶渾閒事，翻寫紅腔唱酒樓。

舉頭咄咄慣書空，一例才人淚眼紅。媧石煉成天不漏，文章誰復哭西風。

世間馬耳射東風，烏有先生無是公。姑妄言之惟仰笑，南華一部漆園翁。

烏絲細字硃光賤，續入紅奎第二編。記否玉蘭宮有約，

紅橋醉臥美人船

先生舊著紅荃集古今美人各有題詠又扶鸞稱先生爲張夢晉後身唐

六如自扶妓紅肩遊燕紅橋之約玉蘭宮六如仙院也紅肩亦妓之證仙者

庚申冬日鄧蘭坡先生訪楊二蒙泉不過因過寓

齋聯句各述所懷互相贈答詩中創體也

翦翦風寒天欲雪坐破青氈髀肉凸翻然命屐出闔閭

一閩城邊訪老鐵浮雲南北逐風飛鴻爪印泥齊如舊

蘭坡乘興由來興盡返訪戴山陰興未竭蹙然何意枉光

塵倒屣奚顧鷄衣結阿嬭呼兒烹乳花閒搜往事情話

悅花桑田滄海嘆無常華屋山邱復悲咽憶昔賡酬重

老泉競爽今仍獲軾轍赤手縛麟穩且勻風雅樂觀欣

再設舊駕駟局促轅下駒曳尾還同策跛鼃年年故紙

飽鱣魚空憐學古徒鋪綴漫言捧檄可榮親思博一衿

望猶歟花富貴萬觴何足論塗抹東西我亦拙倒紉自

笑老爲娘嫁裳長爲他人綴君家兄弟正英年一舉雲

霄看奔軼蘭願言載酒侍元亭枕中奇字恣偷竊殘膏

剩馥沾丐多樊南甲乙早鐫鏤馬絳譚經十數霜桃李

陰成公門列花敢云老馬自知塗舉比黍向名山撒硯

田何歲不有秋助長居然同滅裂祇今生事尙艱虞梁

鴻未肯囚人熱蘭我公才名誇三絕一時英俊齊心折

槐街瘦馬拜春風捐顧振鐸繼前哲坐擁講席集三鱣

受福王明占井深

花

昨逢路鬼猶揶揄歲歲送人領符

節安知消息竟何如子無譽我饒喉舌汝我位置且任

天勿嬰世網甘羈縲

蘭坡

綠醅香動銀罍翠拍掌爲公歌

一闕北山之北張鳥羅南山之南探虎穴短鞵跣跋起

黃塵敵戈直刺氏頭血

花

不然誅茅二酉中騁秘抽妍

入溲浹招致賓客等淮南著書萬卷續鴻烈要使六丁

下取將風雲呵護雷電掣

蘭坡

側聞高論驚四筵壯心未

已誠人傑請浮太白消硯礪酣歌狂擊唾壺缺黑雲壓

城送公歸湘波欲起翻花纈

花

元夜次舅氏劉笠亭先生韻

連臂吹殘夜漏新街頭細雨灑香塵鶯花幾載燕城夢
燈火千家橘浦春月旦漫誇爭似舅風標終愧不如人
明朝騎馬章臺路折柳誰招九烈神

喜雨

鼇柱震盪天翻河黑陰罩野飛滂沱紅掣金蛇亂墮地
霆車轆轤雲峩峩屋瓦破裂裊簞濕檐廊溢注于盤渦
繞軒流水鳴飈飈有如江濤激舳舻荒畦久亢半龜坼
米價貴比烹珠多沛然一夜迺優渥蘇枯潤槁迴天和
烟樹搖風秀幢葆黛峯濯霧暉姪娥野人曉起蹋春水
跳珠細綴氍氍簑壁縛耜頭紫萸菌塍眠鋏青沿莎

新秧刺水萬針出豐年便可占秋禾吾鄉大熟天下足
此語無稽理則那糟牀瀉潤想潑乳梨花一甕沽顏酤
鍵關且埽榻上漏橫眩聽臥酣清哦不然開門翫天妙
圓幾綠點林塘荷

諺云湖廣熟天下足

辛酉四月紀事

黑雲渡河雨吹濕前吼乳贊後飛鷁塵沙滾滾湘州城
街頭千人萬人叫傳呼搶米紛奔馳沿江行

音杭

戶空困

塢壯兒擋門怒鬪格稚子踰牆走翫戲連年秋稼雲滿
村安飽胡爲恣劫勦行家局銷擅居奇斗粟控索千錢
鈔四郊踵告日呼門晉人關閉秦人糶胥役舞智逞鵠

張故事虛文給脾票築室三年道旁謀甲保護話城隍
廟白日蒼黃泣路衢慘如敗葉西風掃竈哭斷炊甑胃
塵黠者狡獪愚者盜蠹螫結陣聶雷霆封疆攫人人變
豹吁嗟笳鼓動素雲白蓮花開鬼蜮跳妖星夜赤纏隴
頭劍南渭北飛火礮

王師百萬驅貔貅剗塞斷燒棧道飛芻輓粟催輪將
大船小船盡轉漕湖湘號稱魚米鄉保障東南鎮邊徼
詎無至計安集之翻縱颺颺竄野藿病農病末無兩妨
萬眾熙春化咏菴賢哉牧民者何人令如風行澤如膏

二十六灣草廬稿卷一終

三十六灣草廬稿卷二

三長物齋叢書

寧鄉黃本驥花耘著

野外看桃花逢崔三星社

秋戲贈

鶯聲百囀破黃昏紅雨衣
霑十里村流水不憎孤客影
疎烟如隔美人魂外間漁父會迷棹前度崔郎又到門
滿眼東風春一夢搔頭花下倒清尊

粵兵來

粵兵來城門開紅旗風颭飛黃埃
劍光森射天門電馬蹶
逆蹶陰山雷戰轉倒豎將軍誰
解一婦莫笑兒莫啼催
糧使者來長街十日五日牌行如飛
湖船湘船千里去

千里回

解二

軍中謠

雲蒼蒼飛櫓槍天狗墮地嗥天狼樓蘭曉將千猛虎黑
夜役人如風雨彎弓匹馬大呼馳下血濺滿身征袍赭
轉鬪千里鼓鼙鏖手斫賊頭擲草中洗兵岷江江水紅
露布赴闕

天顏喜

詔歸休還鄉里重見父母重見妻子

哭郭序東茂才

尊錦

三年無一字兩地各孤身誰念初分袂便成長別人君

真如旅寄我亦因風塵蕭颯潮音閣花飛舊日春

三年前訂

交此地

過李都岡山莊賦贈

草屋松籬對野開鳴鳩穀穀水潄洄綠簑細雨分秧去
赤脚春泥叱犢來虎帳風雲思健將鹿門烟月鍊雄才
耕餘招得東隣叟爛醉花邊濁酒杯

坦步

坦步江村蓆帽斜東風婉婉到山家蝶衣露濕眠芳草
燕觜泥香啄柳花野沼春蒲圍鴨柵溪橋新水聚魚叉
倦過竹墅詩脾澀飽啜紅囊穀雨茶

雨後喜崔三星社過訪

綠湧墻泥草頭出半晴半雨百六日懷美人兮坐花軒
鱸沉銀葉鳴瑤絃絃音清越激天外相思變動爲雲烟
春風吹過湘江渡高挂麓峯之松樹君騎白鶴飛下峯
應逐烟雲自來去

雜詩十首

渺渺瀟湘水流春繞柴扉遲遲美人心寒裳擷素離我
無渡江楫延佇湘江隈蘭風惠我好冉冉四面吹攬之
不盈掬芬芳襲襟懷顧言化六翮凌風以奮飛
桃李爲眾妍芳蘭獨我美香風吹坐隅清濁復誰是夷

薄而和光委懷在泥滓得亦無榮名失亦泯羣毀流覽
南華篇一卷哦秋水

華月吐層雲照我流蘇帳清風籟深林吹我絲步障大
造無回私人心有背向片語激肺肝鳴劍歌慨慷輟耕
嘆隴頭富貴無相忘暫令一揮手雲泥睽情狀安得同
心人生死託杯醴

振袂上河橋迴車騁逍遙行過折柳地慘綠繁長條鵲
鵲啼落日曠野莽蕭蕭慄若飈風發意與浮雲飄浮雲
西北飛游子憶忘歸極目阻千里寸腸爲九迴屏營撫
絲桐離憂當告誰

驅車長安陌流盼春酣酣倭墮當爐女搗搗工數錢回
眸媚秋水橫黛憎遠山顰笑東風裏飛花紫舞筵翩翩
遊冶兒玉勒珊瑚鞭繫馬垂楊下沉醉酒壚邊千金買
綃縠百金治盤餐裙卸紅羅裂帶結青絲纏雨情豈云
薄中乖而顏憐桂魄挂簾幙弦望寧長圓

峩峩通侯里潭潭洞朱門旗旄夾道飛冠蓋從如雲瑤
池赴華譙珍肴羅繽紛左挾彈箏伎右侍執笏人清歌
流響脆滿堂迴陽春漏闌聞香澤玉釵挂貂冠富貴渺
一夢奄忽寒烟昏昨夜醉綃羅今日蹴風塵

園獵南山陲鳴弦控強弩一呼振樹林四蹕馳風雨雲

間落飛雕草裏擒猛虎
酩酊日暮歸射石沒箭羽雄心
貫旌旂俠氣凌徒侶胡不朝天子請纓繫邊虜燕山勒
石碑浪泊銘銅柱

豺虎嘯陰林蛇蠍伏叢草落日瀟陵橋征夫赴遠道風
烟摧華顛功名問蒼昊
羨彼成連翁鳴琴蜉蝣島濯足
滄溟清晞髮扶桑杲

朝發崑崙巔夕宿芙蓉峯滿身風雲氣飛鞚騎白龍天
鷄叫膈膊落星元熊熊回頭瞰若木蜃氣浮青紅日射
滄海波一線磨蒼銅峩雲整高冠駕言訪赤松道逢汗
漫叟邀我宴崆峒流霞泛瓊漿塊壘消塵胸

矯矯雙白鶴盤旋嶽峯麓策杖蹋陰雲天風響林木千
仞响樓碑飛猱挂枝綠禹跡滙江湖潛靈閭山腹蛟螭
字結古科斗句難讀撫衣再三拜黯慘神鬼哭髮豎心
胆寒言就招提宿月影散長松清境開幽獨冷然洗塵
緣懸檐漱飛瀑

登嶽麓

靈麓遙從嶽脉分鬼鬼孤峙秀氤氲到來一百六日雨
仰見七十二峯雲湘水綠吹蠡半勺楚塵紅起蟻千軍
憑臨欲暝尋仙寺天外清鐘縹緲聞

讀項羽本紀二首

屹屹驅天下歸來霸楚西平生鍾情者一馬一虞兮
帳下飲美人消磨蓋世氣英雄到盡頭兩行兒女淚

春禊詞八首

春日酣吟湖上堤褰腰慘綠草萋萋南濱禊飲揚鞭去
兩岸屏山杜宇啼

雅集依然臨曲水名流多半壓東堂蘭亭紙繡昭陵土
誰灑松花搗硬黃

平山堂下綠蕨長記山人被酒時鐵板銅絃春拉雜
江南猶唱冶春詞

波鱗漾碧似瀟湘一桁飛花送羽觴隔水歌船風引近

新詩私遞紫雲娘

錫簫吹暖艷陽天
十里春紅五里烟
幾隊村娃貪鬪草
棗花簾影歛秋千

坐樹歌鶯花亂飛
春人婉婉踏春暉
尋香遠入花深處
立倦不知紅透衣

風起綠楊花似雪
瘴浮青草雨如絲
陶裒花射來盤馬
笑殺幽并游俠兒

白袷塵衫醉習池
漢南烟月等兒嬉
停橈試問澄江水
珮解明珠屬阿誰

山遊二首

托鉢難辭染俗氛浪萍渺渺感離羣人浮湘水都如鴈
山近衡陽半是雲長吉文章全化淚君苗筆硯竟須焚
江風幸解吹愁去踞坐船頭看晚曛
貧門終日鎖蒿萊熱不因人撥死灰畫舸低昂衝浪去
青山倔強出雲來埽除吟思成賤牘分付離愁入酒杯
堪笑紅蓮依綠水風流庾杲亦非才

到衡山縣

路與衡峯轉孤帆百里經藤垂城角綠山入縣門青落
日在林塢涼風生驛亭幾聲鴉軋裏移棹泊迴汀

雲中望嶽歌

衡峯鬼鬼雲蓬蓬
燐雲出沒如飛龍
一峯南走一峯北
一峯西竄一峯東
一峯崙嶽渝秋雨
一峯晃漾紆流虹
一峯倒挂虬松絲
一峯遠射扶桑紅
峯峯裏雲雲裏峯
不知是雲是峯恍見七十二朶青芙蓉
就中一峯更奇峭
雲勢之而跌蕩摩青銅
紫蓋旁插天柱動
環薄元氣迴鴻濛
森然九千七百四十丈
云是蒼巖翠巒堆祝融
埽開雲霧出眞嶽
恨無精誠感圓穹
披髮狂叫昌黎翁
洗我邱壑之俗眼
盪我魂魄之塵胸

衡山道中二首

倚篷倒著絳幘頭
山縣

江滿眼秋瀨
雨半帆穿岸樹

嶽雲九面抱城樓青擎荷蓋題詩稿紅折楓枝替酒籌
恰喜晚波添數尺路沿塢影到衡州

載將茶甌與琴囊穩挂湘帆綠渺茫夢約寒濤迴淶口
勾先秋鴈過衡陽荻蘆半浦圍漁艇薜荔千門繞驛牆
回憶斑騅人惜別官橋折盡柳條黃

題友人秋江泛宅圖次韻

鳬鷺隊裏守苔磯碧蕩天光水四圍一棹便隨漁父去
五湖載得美人歸沙頭吹雨蘋花冷篷背傳秋木葉飛
我亦三年會泛梗越溪波影洗征衣

永州道中

又逐西風送鴈聲身輕一葉別湘城驚灘水咽飛沙下
礙纜舟穿亂石行烏亦恐人遮樹喚山能識我過江迎
柳州遺蹟初尋到好待攜樽踏晚晴

題胡玉潭學博松雲小影

蒼松撐突擎青天白雲滂繞松枝邊開簾慘澹變粉墨
咫尺絹素生風煙謾謾灑空寒雨過鬢髯森動蚪螭臥
蟠雲天矯露之而林頭練影紛飛墮此間清境遠紅塵
但見先生科頭坐先生道誼高於雲先生古貌清於松
雲光松影溪壑暝摩蕩磊落之裏曾我聞一官寄巫水
功名富貴浮雲耳山中宰相舊盟心無人持贈雲濤起

不然放鶴西山陲盤桓七松成處士載酒他年躡雲窩
滿門松陰如桃李雲深千尺渺仙蹤松下殷勤問童子
到祁陽縣

獐巖怪石辭盤紆斗大荒城闢綠蕪筆硯周旋惟一我
溪山吟詠在三吾鄉音夜與猿聲變旅思秋隨鴈影孤
日卧唐亭閒貰飲泥壚調笑酒家胡

秋日遊浯溪懷元道州

延秋門上烏叫號潼關夜破哥舒逃羣官擇棲寶鞭折
漁陽突騎鳴蕭蕭道州刺史元聲叟醉卧浯溪口搔首
二百餘封符牒飛四萬部檐十焚九安人片語泣鬼神

春陵詩句鏤瓊玖
艤帆溪頭秋掩曖
雙趺高蹋虬龍背
窠樽沁月綠於醅
陪臺沐雨青於黛
香橋泉吼香波流
幾株松雲響陰巖
石壁歸然中興碑
珠璣欬唾入蒼靄
鬚眉凜凜挾風雷
老於文學手筆大
信哉萬物俱吐氣
安得如公數十輩

讀磨崖碑

烽火夜燭驪山紅
天子輦出華清宮
劍閣崔嵬雲峨峨
紅錦綉中飛猶龍
河北二十有四郡
平原一餅支全鋒
吁嗟不識顏真卿
所爲如此先羣雄
雖陽死守汾陽戰
江淮遮蔽開元戎
寶刀血洗虜塵淨
鐘虜廟額歸蕭蕭

靈武倉卒膺大寶天命隱係人心同上皇局促歸南內
淋鈴夜雨唱秋風事如浮雲去千載浯溪崖石銘遺蹤
元公之文顏公筆雷霆白日懸清忠骨似秋鷹起稜角
銀戈鐵弩精光融苔花罨蝕字難滅此碑此溪相始終
我來三日卧碑底想見當年唾賊之氣如長虹

三吾歸舟二首

豁眼濛濛夕照開荒城孤聳出雲隈捕蛇說裏千家在
迴鴈峯邊一櫂來枯樹吹紅填堦堞秋波湧綠入樓臺
此遊空逐鳬鷗隊斟酌西風覆酒杯

何須騎鶴羨腰纏風月行滕滿一肩癡絕元章惟拜石

矯於夷甫不言錢雲花落樹紅圍嶺峯影沉江綠過船
好是溪山能快意爲裁新什補吟編

題畫

宛然風景小湘濱深樹眠雲不計春磔格鉤輶如聽鳥
嶽嵴歷落是何人離腰千个竹依舊屋角一枝花斬新
乞取林旁畱十笏買田他日卜芳隣

煤壚聯句

吹葭歲云徂

花耘

朔風撼戶牖欄角茁冰芽

虎癡

梅花

圖點九撐肩肌起粟

花耘

擁絮肘生柳蠟薪嗤石崇

虎

凝

獸炭嘲羊琇麝兒炙石煤

花耘

磊砌泥壚口噓以火

一欬

虎癡

浸以水半甌刮以柳葉鏟

花耘

埽以櫻毛帚

搓捻出心裁

虎癡

方罫覆醬瓿週圍綴蠶窠

花耘

璚瓏

竅斷藕俄驚綠燄飛

虎癡

幾縷紅煙吼熨熨烘中邊

花

嫌娒灼左右躍消鎔烏金

虎癡

煨煉色失黝爆如吐

珠龍

花耘

衙衙鱗蚘繆葵如奔陣牛

虎癡

吒吒跡蹠風

販賈滿湖湘

花耘

云是衡永有

衡州產塊煤
永州產鐵煤

山澤氣偏

枯

虎癡

地脉庚庚朽溷錯砧礫根

花耘

蔓絡周繚吻斲

之者何人

虎癡

厥名曰炭狗

俗呼掘煤
人為炭狗

梢拙濕不爇

花

糠粃紛而糅惟此赫炎炎

虎癡

火力頗耐久城闔十

萬家

花耘

用代薪與楨而我賦閒居

虎癡

蟬螻在泥垢

買去半陌錢

花耘

量求八分斗

湘船煤斗僅容八升名八分斗

華門蔽

以席

虎癡

繩樞豐其蔀圍壚啞笑言

花耘

累季侍阿母

雪窖回陽春

虎癡

舉室挾纊厚親朋響屨過

花耘

不嫌

昏莫叩瓦銚可烹茶

虎癡

泥鎔可煮酒相對叉手吟

花耘

韻險心肝嘔笑彼錦帳奢

虎癡

知此清况否

花耘

村行

灣環溪水石枒杈草屋橫欹短笱斜黃犬卧門獐似豹

牆頭幾樹水桐花

張大笠漁

敬直

畫六首

環溪峯影綠嵯峨野店門旁挂薜蘿騎馬過橋苔板滑

滿林烟雨叫春哥

鳥名

記得阻風揚子渡石簪山脚掉扁舟
荻蘆眼底蕭蕭影又送吟魂到潤州

落木茆亭石磴斑江流環抱秣陵山
平生慣有烟波夢老伴漁翁住此間

烟巒層疊枕江流水驛山程浩蕩秋
幔卷河樓來小坐鯉魚風過數歸舟

櫻糝采藥蹢雲岑白眼何人識此心
一笑相逢東澗老風泉聲裏勸彈琴

枺槎巖樹影模糊竹屋環波長綠蕪
只半鱸魚跳入網

十年風味錦秋湖

題劉大芭汀詩集後二首

雲過脫林葉水流清道心於人不措意之子乃成吟秋
雨十年卧湘帆何日尋夷猶希韻在聽鼓海間琴

豪氣超湖海談詩殊不然性情絕雕飾灑落爲雲烟竟
得林泉趣而參文字禪論交子墨客相對聳吟肩

謂尹墨卿

一葉

一葉墮高樹寥然天地秋栖遲在蓬徑浩蕩如虛舟生
事朝磨劍還心夜倚樓江湖簷外白泯泯滾吟愁

守懶

守懶棲蓬華恬然養性蘇花如交密友詩亦熟窮魔幾
日無塵擾終宵有月過寄言嚴瀨客多事釣滄波

涼風

涼風如佳客不速而自來蕭然滿庭戶吹我衣裳開陰
籟生林木塵心淨草萊尋秋門外去枯葉捲飛埃

禽吳春林次韻

墨海翻湖瀉秋汎潏潏山湧魚龍陣千盤百曲紫迴瀾
豁眼雲霞騰萬仞兀兀一吟筒落落雙蓬鬢寒蟲四壁
號淒風燈暗陰房飛鬼燐憶昨論交初君擅東南美月
黑坐推蓬鼓柁蒸湘水永昌綠幕凝清香藏鉤闥韻蘭

鐙裏有時醉出遊浯溪二三里巖嵌鏡石磨蒼烟唐亭
帆艤歸臺時吁乎咄哉可笑人歷落嶽寄情性真歸來
幙被忽大叫錫傾醋甕廬兒喚貂裘駭敗不言貧日淘
半菽娛雙親嗟我寄旋羸仰視天宇曠賣菜秋瓜屢撈
蝦春苔漲涸此傭僧閒長吟恣跌宕多君雅惠瓊琚篇
帕頭花劃天魔狀我雖醒醺愁壓眉杖蕉起舞神猶王
安得翎毛攢八翮翀破塵羅出寥廓君看墻角夫容花
霜風如刀斫不折

題畫二首

醒眼風塵倚竹林頽然一笑楊橫琴綠陰滿地寒於水

洗盡人間炎熱心

紅埃飛不到門前流水穿橋瀉冷烟寫出維摩眞佛相
茱萸灣裏坐譚禪

夜坐山家

羣峯飛暝翠靄靄滿林邨澆背月如水盪心雲過門脩
然空世慮相對澹忘言何日逃塵網長來此避喧

尹五墨卿桃花仕女圖三首

拂紙蓬蓬照遠春綠雲低綰踏香塵知君買棹從漁父
尋着桃花問美人

前度蘇臺蹋豔陽畫闌簫鼓繞山塘六如家在仙人塢

澆酒花邊拜九孃

烟花舊夢斷詩曹
夜月誰邀一曲高
便欲移家花外住
紅腮調笑鄭櫻桃

夜過黃茅大嶺遇雨

峯影層層暗野陰
馬蹏飛踢亂雲深
雨昏喚客猿歸洞
風響疑人虎嘯林
燈隔鼓坳紅半里
橙緣淙壑黑千尋
崎嶇幾折來山寺
一杵寒鐘洗怖心

九日登石栗嶺

峻嶒天半插瑤簪
一線藤梯萬仞深
秋色墮衣涼到骨
嶺雲扶屐白無心
鬢眉借滌泉懸峽
冠劒來迎石出林

回眺潭城諸友在黃花壓帽拍肩吟

寄懷劉大芑汀

詒孫

尹五墨卿

作翰

兼訊龍三雲

東瑛近信

船頭黃葉劉賓客

芑汀近詩有滿江黃葉來酒船之句

弱底桃花尹墨卿

惜別幾時歌折柳相思昨夜夢湘城知君聚首能添詠

少我談心定減情近日龍三音又渺秋帆何處數歸程

渡船

渡江送親串行行歇魚灣

地名

招招呼渡子鴉鴉來渡船

裂篷席三折狹版弓一弦窪腹五六尺駢踞十一人仄

身我貽入半股撐左肩渡子意願顛揶篙猶迴延赤汗

兩僦夫堆磊吉貝棉急呼絡船尾脫繚乃行前人重船
沉水水高冒船舷放溜到中流風波鼓濤齋兩翼柞木
槳渴蟬奔飲川渡子走邈邈疾捷騰獼緣大聲蹴澎湃
劈船波飛天此船洄波去如梭中間穿闖丑甚切然躍波
背壓倒波洄漩半船鞞袍濕灰面蘊難言回頭睨渡子
了若無事然須臾維沙嶼覩縷詢其端器小而載大底
方而中圓操縱要有術危險要有權所以履洪濤屹兀
穩於山令我聆此語拊膺感而嘆渡人與渡世斯理豈
殊焉臨風吐短韻瀟瀟空江烟

猴子石

蒼厓闢谿初靈石森岷岷湘流蓄其根鬚鬚宵猴子無
乃塵躁時爬騷浴秋水聞汝喜跳踔叫嘯雲壑裏如何
化爲石千年坐不起世間養心人安得亦如此

村堤

屈戍村堤踏莫秋鴉翻冷葉夕陽收半灣矮屋紅螺殼
一股寒泉綠鴨頭雲樹宜人新畫蘂溪山如我舊朋儔
吟懷愜賞忘歸去烟絡厓亭挂月鉤

夜蟲吟

青蘿屋脚黃竹籬根啾啾嘶嘶縷縷絲絲
解一皎月在林
涼露在草趯趯而遊啍啍而飽
解二豈其憂疑誰則喚而

豈其怨咨誰則信而

解三

如委巷士廬雪夜哦如寡室女

牕燈夜嗟

解四

哭也有哀歌也有思人則然矣蟲又何知

五惱亂我心絮聒我耳渺渺秋懷千里萬里

解六

蠟梅

別出梅花格枝高著意黃依然開夜雪不肯遜寒香瘦
影留詩夢春心冷客觴折來供俗賞爲汝幾傍徨

寒夜吟詩適崔三星社過訪促成二十韻示之

爆豆一簣昏寒意何洶洶料峭三鼓嚴凜凜百物恐校
樞洞冷蟾聖壁矜潛蜚不寸步階除志忤寸心懣飲歡
就陰風刮地塵沙踊慘若鳴駝圍疾於陣馬蹙冰垂檐

樹偃霜壓欄花暈幃無積鼻懸裘不鹿皮氎奚以禦窮
冬絮纈氈毼擁齒齠如箝收臂皴如械葦鼃鼃鼓縮龜
蝨蝨蛰裝蛹凍奴卧窵窗飢兒呱乳湮縷璫顰愁腸炙
硯詩澆湧忽開剝啄喧門外足音跼蹐然來故人入座
一揖拱凌兢蓬蘽行突兀邱山聳談笑回春溫我亦振
鬪燁急就草憫颯褒讀勞憊憑要須酬和之飯甌換球
珎滌殘驅寒威爲君鼓其勇

題酒人圖寄劉大書舫

大人先生屋爲禪竹林酒徒數伯倫糟邱終日持一鍤
觥觥嶽嶽遨紅塵此君無乃其摘系蕭帽顛吟太游戲

裸身牛飲捉霜螯繞甕渾似飛醺
蛎絳雲影瞥幾春秋
此鄉別有人間世聳肩徑欲摩青銅
剗剗天根踞月竈
有時潑瀋墨濡頭萬花粲灑連珠字
懽然眩轉玉山頽
倒塌藜牀夢咍囈西風老屋瀉峯南
蒼巖棧鬱吹晴嵐
知君醉吮青鏤管握鏡貌寫森鬢髮
依舊短衫雙赤脚
醅醕灌頂秋酣酣寄言駸一尺五添
我作賓君作主
君把花枝我擊鼓哦詩四壁瀟瀟雨
紅錦纏頭白練裙
酡顏趁趁天魔舞

據梧說劍圖二首

暝墨鸞綾慘澹成短衣岸幘想平生
瑤琴一曲秋林暝

郭索爬沙大蟹行

耳邊謾謾響松風醉眼模糊世界空
飛踢紅埃雙赤腳劍頭一映過崆峒

絕句

衡峯七十二朶湘水三十六灣蕭然枕流漱石一椽草屋中間

田家

偶過田家飲依稀樸俗畱山花眠病犬春雨課童牛燒葉塵生甑吹泥酒漑甌窺門忘避客插柳婦蓬頭

做張大笠漁香奩雜詠二十四首

綺疏八面影璿璣人住香雲綵霧中渡口波吹桃葉雨
樓頭春鎖棟花風迴眸綠水知傾國印辭紅潮認守宮
天上兒郎情種子夜深露立宋牆東

奩開翡翠硯玻璃花露濃磨強賦詩幕北書遲喚錦鴈
遶西夢破罵黃鸝朝雲有恨迎桃葉夜月何心舞柘枝
尺半紅綃偷拭淚癡情生慙侍兒知

消瘦東陽減帶圍含情不忍撥金徽歲蕤鎖住青樓夢
楊柳門遮白板扉錦壓苑央裁繡枕花翻鵲鵲畫羅衣
天涯只尺紅牆遠昨夜珊珊是也非

南柯空化蝶蘧蘧寬褪裙腰一尺餘複帳濃香燒睡鴨

細簾寒雨濕鰓魚江頭楓荻吟司馬門裏枇杷老校書
記否王昌新嫁得碧桃花擁六萌車

縹碧蟬衫響六銖秋娘舞袖影踟躕傳情花底妨鵲鵲
惜別枝頭拜鷓鴣脫却五紋秦女珮量來十斛石郎珠
愁絲繚繞如牽縷飄雪銀瓶轉鹿盧

銀荷影地漏聲低鵲鵲催明小閣西鏡裏絲鬟歌阿也

阿也黃唐
教坊曲

帳中紅淚舞虞兮春回錦瑟攏鵲鵲花趁珊

鞭款馬蹏踏曉浴兒多薄倖惱儂偏唱白銅鞮

簫鼓華筵迤邐開登場低唱紫雲迴鵲梨香漬青綃幔
驚粟花環綠玉盃我見猶憐春旖旎誰能遣此月裴裛

唾壺滴盡相思血疑是前身薛夜來

焚香拈閣喚真真修福前緣伴美人
賽月嬌癡常愛俏妬花心性慣生嗔
松釵顛翠簪蟬髻籜管勻黃畫蝶顰
相約踏青蘇小墓鈿車滾過六橋春

流蘇錦障水沉薰樂部橫陳夜漏分
外瓦雙飛三峽雨鶯絨半臂五花雲
愁歌北里紅羅襖唐教坊曲笑演南朝白

練裙想到媚香樓上恨春風綵扇李香君

坐擁圍屏綴木難仙肌柔膩韻珊珊
紅巾未許啣青鳥翠帳何曾駕彩鸞
千字迴文裁馬錦三秋別怨製齊紈
濃情倘入溫卿筆定補金荃第二刊

畫堂軟舞學弓彎
嬌娜紅雲鞞翠鬟
風動纏頭花習習

春浮鴈腹錦嫵爛
海棠好睡名來夢

隋宮人有
來夢兒

楊柳多

情是小蠻休唱江南遊
冶曲經年書斷鳳凰山

懶獸紅牙紫玉簫
吳娘夜雨怨瀟瀟
合歡未折雙釵鳳
問卜空投六博梟
秋色滿簾開菡萏
芳心一軸卷芭蕉
何時夢到郎邊去
潤壁經過廿四橋

催花羯鼓未停敲
綠約東風上柳梢
歡處恰逢蘇五醉
生時莫被魏三嘲
搗來兔杵纔調藥
彈斷鴟絃又續膠
親與阿郎裁校衫
夜闌金粟隔牕拋

兒家門外水週遭
紅柱橋通綠半篙
助艷有香開茉莉

三
一
之
情
如
酒
釀
葡
萄
紫
牀
繡
疊
千
花
簾
蕙
幄
絲
懸
四
角
條
後
會
愔
愔
重
訂
約
郎
聽
午
夜
廣
陵
濤

鞦韆風漾紫繩拖
倦靠芳茵滿院
莎瘦骨憐卿如碧鵲
癡心助我整青螺
曾尋舊雨遊雲夢
莫踏新春到苧蘿
絮語忽驚花影動
鷺捎鳳子掠牆過

鵲鏡熒熒脰粉香
斜紅繞額絲蛾長
鞋幫濕淺莓苔露
裙帶濃薰豈惹湯
花市曼歌唐四姐
教坊曲毬場沉醉李

三郎藍橋我亦通
仙約願乞雲英玉杵霜

銀漢迢迢一線橫
仙雲環珮許飛瓊
難尋紅豆相思子
絕似黃花太瘦生
茫茫舞裾月去琅琅響
屣踏風行

自從檐雨喧鈴索愁聽蝦蟆夜六更

千金不惜買娉婷肉竹中宵隔座聽夜月銀箏羅黑黑
春風玉板李青青水仙暗綰雙珠結雲母斜僊六扇屏
別有溫柔天尺五何須蘭櫓近湘靈

層軒依舊障吳綾懶把瓊鉤絡綵繩婉嬾香襦團絳雪
惺忪春黛濕紅冰杜鵑啼破三更月蝙蝠飛鳴四壁燈
太息自君之出矣妝臺粉斂髮鬅鬢

背坐孤檠動遠愁生憎隔院笑藏鉤寒衣夢寄漁陽戍
冷幕塵封燕子樓伴我寂寥惟絡緯攪人心緒又箜篌
明朝擬趁蘅蕪路燒楮江邊祭石尤

西風蕭瑟遠聞砧聲
潯潯深汗靨如花含顰口
曉顰對月撥琴心黃金縷唱愁無那白紵衣裁怨不任
願得化爲么鳳影收香倒挂美人蓼

深閨弱質性嬌憨也奉旃檀禮佛龕
匊葉香圍翔紫燕
芊花影簇睡紅蠶迷藏帳底風情暢捉搦窗前笑語酣
觸忤私懷常背立黃鸝汲水灌宜男

林梢光射吐銀蟾綉帕斜垂玉笋纖風態二分傳眼角
春愁一縷壓眉尖仙緣莫問油花卜芳訊徒憑錦字占
惱煞幾修消息斷嫁裳偷製綵絲添

畫榜幽香落枕函紅襟梁燕語呢喃華粧細點梅花額

彩裊新裁杏子衫插徧銀幃移飲榼舉開珠箔數歸帆
年年繡闥春如綺畱住東風草未芟

山亭

烟林蒼綠擁團瓢睡起山亭野望遙半埒晚風扶落絮
一簑春雨養新苗品茶句與旗槍鬪中酒愁先碗礪消
守拙年來空俗擾信無心病恐啼鴉

東郊

蓬髻髟髟短笠欹攜來柑酒聽黃鸝林花捲地紅心活
驛柳窺人綠意癡春過山橋惟蝶送漲添畦水有蛙知
脰邊約共村農酌喜話連宵雨潑犁

三十六灣草廬稿

卷一

三

三十六灣草廬稿卷一終